

亭部

第十三卷

心腹脇肋胃脘少腹腰腿一切痛證
疝氣 霍亂 痧證

古今醫理證治摘要

卷

十三

古今醫理證治摘要卷十三

痛症門 景岳全書 辯證奇聞 醫宗金鑑

諸家名賢方治

目錄

心腹痛證

脇肋痛證

腰腿痛證

少腹疝痛證

霍亂證

痧痛證

以前諸痛證各有經義論證論治證候極多條論紛繁難以盡載目錄

心腹痛

經義

舉痛論帝曰願聞人之五臟卒痛何氣使然岐伯對曰經脈流行不止環周不休寒氣入經而稽遲泣而不行客於脈外則血少客於脈中則氣不通故卒然而痛帝曰其痛或卒然而止者或痛甚不休者或痛甚不可按者或按之而痛止者或按之無益者或喘動應手者或心與背相引而痛者或脇肋與少腹相引而痛者或腰痛引陰股者或痛宿昔而成積者或卒然痛死不知人少間復生者或痛而嘔者或腹痛而後瀉者或痛而閉不通者凡此諸痛各不同形別之奈何岐伯曰寒氣客於脈外則脈寒脈寒則縮蜷縮蜷則脈絀急絀急則外引小絡故卒然而痛得炅則立止因重中於寒則痛久矣寒氣客於經脈之中與熱氣相薄則脈滿滿則痛而不可按也寒氣稽留炅氣從上則脈充大而血氣亂故痛甚不可按也寒氣客於腸胃之間膜原之下血不得散小絡急引故痛按之則血氣

散故按之痛止 寒氣客於俠脊之脈則深按之不能及故按之無益也 寒氣客於衝脈
衝脈起於關元隨腹直上寒氣客則脈不通脈不通則氣因之故喘動應手矣 寒氣客
於背俞之脈則脈泣脈泣則血虛血虛則痛其命注於心故相引而痛按之則熱氣至
熱氣至則痛止矣 寒氣客於厥陰之脈厥陰之脈者絡陰氣繫於肝寒氣客於脈中則
血泣脈急故脇肋與少腹相引痛矣 厥氣客於陰股寒氣上及少腹血泣在下相引故腹痛
引陰股 寒氣客於小腸膜原之間絡血之中血泣不得注於大經血氣稽留不得行故宿
昔而成積矣 寒氣客於五臟厥逆上泄陰氣竭陽氣未入故卒然痛死不知人氣復反
則生矣 寒氣客於腸胃厥逆上出故痛而嘔也 寒氣客於小腸不得成聚故後泄腹痛
矣 熱氣留於小腸腸中痛瘴熱焦渴則堅乾不得出故痛而閉不通矣 帝曰所謂言
而可知者也視而可見者柰何岐伯曰五臟六腑固盡有部視其五色黃赤為熱白為寒青
黑為痛此所謂視而可見者也 帝曰捫而可得者柰何岐伯曰視其主病之脈堅而血反陷

下者皆可捫而得也

賁按本篇論痛總計一十三條所言寒氣與熱氣相薄及熱氣留於小腸閉而不通者止二條為熱證而其他皆屬於寒則此證之槩可知學者當思所辯矣

終始篇曰病痛者陰也痛而以手按之不得者陰也深刺之

痺論帝曰內含五臟六腑何氣使然岐伯曰五臟皆有合病久而不去者內含於其合也胞痺者少腹膀胱按之內痛若沃以湯澁於小便上為清涕痛者寒氣多也有寒故痛也

骨空論曰眇絡季脇引小腹而痛脹刺譴謔

調經論曰實者外堅充滿不可按之按之則痛虛者聶辟氣不足按之則氣足以溫之故

快然而不痛

平人氣象論曰寸口脈沉而弱曰寒熱及疝瘕少腹痛寸口脈沉而橫曰脇下有積腹中有橫積痛脈急者曰病瘕少腹痛

邪氣臟腑病形篇曰心脈微急為心痛引背食不下

衛氣篇曰新積痛可移者易已也積不痛難已也

厥病篇曰厥心痛與背相控善嘔如從後觸其心僂倭者腎心痛也厥心痛腹脹胸滿心尤痛

甚胃心痛也厥心痛痛如以錐針刺其心痛甚者脾心痛也厥心痛色蒼蒼如死狀

終日不得太息肝心痛也厥心痛卧若徙居心痛問動則痛益甚色不變肺心痛也真

心痛手足青至節心痛甚旦發夕死夕發旦死腸中有蟲瘕及蛟蛭心痛懷作痛腫聚

往來上下行痛有休止腹熱善渴涎出者是蛟蛭也已上皆有刺法詳在本經

雜病篇曰心痛引腰脊欲嘔取足少陰心痛腹脹嗇然大便不利取足太陰心痛引背不得

息刺足少陰不已取手少陽心痛引小腹滿上下無常處便澀難刺足厥陰心痛短

氣不足以息刺足太陰心痛當九節刺之按已刺按之立已不已上下求之得之立已

下元正紀大論曰不遠熱則熱至不遠寒則寒至寒至則堅否腹滿痛急下利之病生矣

土鬱之發甚則心痛脇臑嘔吐霍亂飲發注下 金鬱之發心脇滿引小腹善暴痛不可反側 水鬱之發民病寒客心痛 木鬱之發民病胃脘當心而痛上支兩脇膈咽不通食飲不下 火鬱之發民病骨痛腹中暴痛

和氣臟腑病形篇曰大腸病者腸中切痛而鳴濯之冬日重感於寒即泄當臍而痛不能久立與胃同候取巨虛上廉 胃病者腹臑脹胃脘當心而痛上支兩脇膈咽不通食飲不下取之三里也 小腸病者小腹痛腰脊控臑而痛時窘之後取之巨虛下廉 膀胱病者小便偏腫而痛以手按之即欲小便而不得取委中穴

五邪篇曰邪在肝則兩脇中痛寒中惡血在內行善制節時脚腫 邪在脾胃則病肌肉痛陽氣不足陰氣有餘則寒中腸鳴腹痛 邪在心則病心痛善悲時眩仆 以上俱有刺法在本經

經脈篇曰脾足太陰之經入腹屬脾絡胃其支者復從胃別上膈注心中是動則病舌本

強食則嘔胃脘痛腹脹善噫心下急痛得後與氣則快然如衰 心手少陰之經起於
心中出屬心系是動則病噎乾心痛渴而欲飲 腎足少陰之經其支者從肺出絡心是動
則心如懸若饑狀舌乾咽腫煩心痛 心主手厥陰之經起於胸中出屬心包絡是動則胸
脇支滿煩心痛 胆足少陽之經其直者從缺盆下腋循胸循脇裏是動則病口
苦善太息心脇痛不能轉側

心腹痛論 景岳全書

張介賓曰凡病心腹痛者有上中下三焦之別上焦者痛在膈上此即胃脘痛也內經曰
胃脘當心而痛者即此時人以此為心痛不知心不可痛也若病真心痛者必手足冷至
至節爪甲青旦發夕死夕發旦死不可治也 中焦痛者在中脘脾胃間病也 下焦痛
者在臍下肝腎大小腸膀胱病也 凡此三者皆有虛實寒熱之不同宜詳察而治
一痛有虛實凡三焦痛證惟食滯寒滯氣滯者最多其有因蟲因火因痰因血者皆能作

痛大都暴痛者多有前三證漸痛者多由後四證但蟲痛痰痛多在中焦火痛則三焦俱有之血痛則多在下焦然惟婦人則多有血證而男子則少也諸如此類但察其多滯多逆者方是實證如無滯逆則不得以實論也辯之之法但當察其可按者為虛拒按者為實久痛者多虛暴痛者多實得食稍可者為虛脹滿畏食者為實痛徐而緩莫得其處者多虛痛劇而堅一定不移者為實痛在腸臟中有物有滯者多實痛在胸脇經絡不干中臟而牽連腰背無脹無滯者多虛衄與證參虛實自辯微實者宜調不宜攻大實者或上或下非攻不可純虛者或氣或血非大補不可

一痛證有寒熱誤認之則為害不小蓋三焦痛證因寒者常居八九因熱十惟一蓋寒則凝滯凝滯則氣逆氣逆則痛脹由生而熱則流通多不然也雖熱證亦常有痛然熱者必有明辯如內經所言腸中痛而瘕熱焦渴則堅乾不得出閉而不通者此因燥結熱閉故能作痛然必有煩熱等證乃因於火最易見也今之醫家但見心腹痛證無問有無寒

熱便云諸痛皆屬於火多用寒涼不知此說出自何典而彼此訛傳無墨無根妄亦甚矣又見
丹溪治法云凡心腹痛者必用溫散此是鬱結不行阻氣不運故痛也此說誠是也然又引原病式
云若欲行溫散寧無助火添病也由是古方多以山梔為主加熱藥為向导或用二陳湯
加川芎蒼朮倍加梔子煎服痛甚者加炒乾薑反佐之若此議論治法余則大有不服夫
致病之由熱者自熱寒者自寒病因火邪清利自愈固不必反佐也病因寒滯溫散自愈又
何為反助火耶蓋寒者熱之熱者寒之此自正治之正理豈可不論經權不分從逆既宜梔子
又宜乾薑藥用反佐而治寒犯寒治熱犯熱乎因致後代醫流凡有見不真者每借此為成法
而藉口反佐誤人於疑似之中者不少矣

論痛脈

凡諸病之虛實辯之於脈者皆易惟心腹痛證則有大有小其脈多有難辯雖滑實有力者
固多實邪虛弱無神者固多虛邪此其常也然暴痛之極者每多沉伏細瀯最似極虛之

候不知氣為邪逆氣逆則脈道不行而沉伏異常此正邪實之脈然於沉伏之中細察之必有梗々然弦緊之意此必寒邪阻遏陽氣者多有是脈若火邪作痛則不然也凡見此者不得因其細極微極便認為虛脫妄用補劑必大誤矣辯證之法但當察其形氣以見平素之強弱問其病因以知新病久病及何所因而起大都暴病痛極而脈忽細伏者多實邪久病痛緩而脈本微弱者為虛邪再以前論虛實之法酌之以理參而診之則萬無一失矣

論治

凡心腹痛證必須先辯寒熱如無熱證熱脈則定非火不得妄用涼藥

凡治心腹痛證古云痛隨利減又曰通則不痛此以閉結堅實者為言若腹無堅滿痛無結聚則此說不可用也其有因虛而作痛者則此說更如冰炭

凡痛在上焦者如因停滯既痛兼脹不易行散而痛極難忍者欲其滯去速效無如吐法

之妙擇而用之若無停積脹急而或寒或氣微有凝滯而作痛者但順其氣無有不愈

一胃脘痛證多有因食因寒因氣不順者然因食因寒亦無不皆關於氣蓋食停則氣滯寒留則氣凝所以治痛之要但察其果屬實邪皆當以理氣為主宜排氣飲加減主之食滯者兼乎消導寒滯者兼乎溫中若止因氣逆則但理其氣自愈果其有諸藥不效氣結難解者惟神香散為妙 若氣有滯逆隨觸隨發者宜用後簡易二方最妙

一下焦小腹疝者或寒或熱或食或蟲或血或氣逆皆有之凡閉結者利之下之當各求其類而治之

一寒滯之痛有因內寒者如食寒飲冷之類是也必兼寒兼食隨其宜而治之如上法可也 有因外寒者或觸冒不時之寒邪或犯客令之寒氣或受暴雨沙氣之陰毒以致心腹絞痛或吐或瀉或上不能吐下不能瀉而為乾霍亂危劇等證總由寒氣犯臟或在上焦或在中下二焦凡痛急在上者用吐最妙在中在下者俱宜解寒行滯以排氣為主加減治之或不換金

正氣散或和中飲平胃散十香丸之類皆可擇用其有寒通之甚者宜四逆湯理中湯之類主之又神香散可解三焦之滯當證作引以送之

一血積之有腹痛者是即蓄血證也而血證之屬有四 一傷寒有蓄血證成無已曰邪氣聚於

下焦則津液不得通血氣不得行或溺或血留滯於下是生脹滿而鞭痛也若從心下至小腹

鞭滿而痛小便利者則是蓄血之證此當分而治之其他證治詳義並見傷寒門 一婦人有

血痛證詳見

濟陰綱目經病積聚及婦人胎前產後

一跌打損傷有瘀血腹痛證但去其瘀而痛自愈凡氣血和

平者宜通瘀煎加減治之其有血滯便結邪實不通者宜桃仁承氣湯百順丸主之或血虛

燥結便閉不通者宜玉燭散主之

餘詳金及跌打損傷等門中

一食鬱既久而胃脘有瘀血作痛者生韭

飲氣血虛寒不能營養心脾者最多心腹痛證然必以積勞積損及憂思不遂者乃有

此病或心脾肝腎氣血本虛而偶犯勞傷或偶犯寒氣及飲食不調者亦有此證凡虛痛之

候每多連綿不止而亦無急暴之勢或按之揉之溫之熨之痛必稍緩其在心脾胸脇之間

者則或為戚々或為慌々或似餽非餽或饑勞更甚或得食稍可或懊懷無跡莫可名狀或形色青黃或脈微氣弱是皆虛寒之證此非甘溫養血補胃和中不可也宜大小營煎理陰煎之類加咸主之若氣虛者必大加人參陽衰者必佐以桂附乾薑丹溪曰諸痛不可補氣此惟邪實氣滯者當避之而曰諸痛皆然則謬矣不可執以為辭也

一下虛腹痛必因虛挾寒或陽虛中寒者乃有之察無形迹而喜按喜煖者是也治宜補陰逐寒必宜理陰煎主之然男子則間或有之惟女人則因虛而痛者更宜蓋女人有月經帶濁之病所以為異亦宜理陰煎大劑主之余用此活人多矣若虛中挾滯而血有不行者惟決津煎為最妙諸未盡者詳諸雜證

濟陰綱目
婦人經產

一凡治心腹痛證已經攻擊滌蕩愈而復作或再三用之而愈作愈甚或脈反浮弦虛大者皆為中虛之候此當酌其虛實而或兼治邪氣或專補正氣若用補無碍則當漸進切不可雜亂妄投以自掣其肘但當純用補藥使脾胃氣強得以運行則邪氣自不能犯又何疼痛之有

一火邪熱鬱者皆有心腹痛證如火在上焦痛而兼脹者宜於行氣導滯藥中倍加山梔黃芩之屬以治之若有痛無脹者或宜加芍藥生地麥冬以佐之 若火在下焦者宜大分清飲或茵陳飲之類主之 然火在上者必有煩熱焦渴喜冷等證火在下者必有脹熱秘結淋瀝等證務兼脈證察其真有火邪方可治以寒涼如無火證火脈則不得妄稱為火以誤治也

一蟲痛證治詳見諸蟲門

一痰飲停滯胸膈亦能作痛凡胸脇膨悶漉漉有聲或作醋酸心嘔惡或痛連脇背者皆其證也宜清膈煎二陳湯橘皮半夏湯局方四七湯及括痰丸潤下丸之類並皆治之 又若東垣草豆蔻丸丹溪白螺丸亦皆治痰之劑 若鬱痰凝結消之不去者非用吐法不能除也

一陰寒腹痛者凡男婦有因房室之後中寒而痛極者此陰寒也宜先用蔥薑搗爛炒熱或熱磚之屬熨其臍腹以解其寒極凝滯之氣然後用理陰煎或理中湯四逆湯之類加減治

之其有痛極至危者須速灸神闕氣海等穴

一凡胸腹之痛有無關於內而在筋骨皮肉之間者此邪之在經不可混作裏證必須詳問的確但當分其或火或寒或氣或勞傷或血滯或血虛或有淫瘡邪毒留蓄在經辯其所因庶不致謬而治之亦易也

一大人小兒或素因口腹不節致傷脾胃以後或寒或食凡有所觸即為腹痛屢發不已或為脹滿食減等證者惟芍藥枳朮丸為最妙宜加減用之

一凡胸膈大痛連及脇背藥不能納到口即吐者此則無論諸藥皆可發吐因就其勢探而吐之則最易最捷吐出邪滯積痰痛可立止若邪猶未盡痛猶未止則再以前藥與之移盡其邪無不愈者

陳無擇云十二經絡外感六淫則其氣閉塞鬱於中焦氣與邪爭發為疼痛足厥陰心痛兩脇急引小腹連陰股相引痛手心主痛徹背心煩掌中熱咽乾目黃赤脇滿足太陰心痛腹脹

滿漚漚然大便不利膈悶咽塞手太陰心痛短氣不足以息季脇空痛遺失無度胸滿煩心足少陰心痛煩極面黑心懸若饑胸滿腰脊痛背輸諸經心痛心與背引心痛徹背背痛徹心諸腑心痛難以俛仰小腹上衝卒不知人嘔吐泄瀉此皆諸經諸俞諸腑涉邪所致病屬外所因若五臟內動汨以七情則其氣痞結聚於中皖氣與邪搏發為疼痛肝心痛者色蒼如死狀終日不得太息真心痛者手足青至節心痛甚旦發夕死夕發旦死脾心痛者如錐針刺其心腹蘊蘊然氣滿肺心痛者若從心間起動作痛益甚色不變腎心痛者與背相控善慓如物從後觸其心身偃倭胃心痛者腹痛胸滿不下食食則不消皆臟氣不平喜怒憂鬱所致此屬內因飲食勞逸觸忤非類便臟氣不平痞隔於中食飲道注變亂腹胃發為疼痛或飲啖生冷菓實中冷不能消散結而為積還食還發名積心疼及有臟寒生虺致心痛者所謂九種心痛曰飲曰食曰風曰冷曰熱曰悸曰蟲曰注曰去來痛者除風熱寒屬外因餘皆不内外因更有婦人惡血入心脾經發作疼痛尤甚於諸痛更有卒中客忤鬼擊尸症